


www.BibleForChildren.org




Geenesis 6




Nioori Noeejiniji
pohuatasano. Noeri
maniniu pueyano quijia.
Nojuajaari pueyaracaanu
Pueyaso tojijia quijia
cutara.



Puetunu narta
pueyajinijuanaani,
saaja nojuajaari Pueyaso
panishano miiijiojua.
Puetunu pueyajanaari
tojetaarucujanaa
sesequiaari.



Sacuaraatia miijiacara
quiquiaariiri. Naa Pueyaso
niquishacari nio jiyajinia
cuno sesa miijiaca
pueyatej.



Jiyacari Noee sequequiaariiri: —Tari jirii
sacuaraatia nio pueya miihionunijia.
Janiyari cunora niishiriojoreeni,
maninia juhuari nojori cua
shaajanu puetunujuanaa
nio jiyajiniji.



Naa sacuaraatia nojori miiionuucuaacuatej,
narta pueyari puetunu tiquiyocua nio
jiyajinia naa sesa miijiacajuhuaaj. Janiyari
naacua nojori puecanutaniyani, puetunu
nio jiyajinia cua shipinijosano
casaajanaanio.



Naacuatej pajaajinia quia cuatajara
quiocuai quia jeecare puereetuuca bote.
Quiocua naana pishujiuneecata maninia
na miirinioj. Quiocua mii matacojore
sohuacacara.



Quiocua maninia mishiquiojore roshitia na
soteyacaca, na jiniacumaji na nijinijinio
maja mohuacatuhuana na quiniuria.



Naa quia jeecare quia
cuatajarano cuno
puereetuca botetej:
Na tucohuana
cuaara
quiirio

ciento
trenta y
cinco metro.


Na jiriquia cuaara
quiiria veintidos metro
socua na cajiniocuanio.
Na jiyaconaja cuaara
quiiria trece metro
socua na cajiniocuanio.




Naajuhuaj, quia botejinia quia paatiri
queraatia miaquesano. Cuno cuaara quiiria
puetunu tamaatia miasanojanaa
quia miasocoriquiano,
quiata cureeno casami
Miasocoriquianojaajanio.



Naajuhuaaj Noeenaa, quiata cureeriquiano quia
botejinia puetunu nio jiyajinijinio casaajanaa quia
tacanitiare caya, maajinio.



Quiata cureeriquiano quiriano puecoosocoriquiano
casamijinijinio quia tiuquinijiore siete canuu,
siete maajinio. Cuaara quiiria saa
caqueetacaja tama necocuatajaaja.




Miaquesoo casamijinijinio saniniuujia,
saaja quia tiuquinijiore niquiriyatu
caya tama necocuatajaaja puetunu
cuno casamijinijiniojuanaa.





Noeri
na jeecasano
botejinia
tacataquiaari
necohuata,
necocuajuhuaaj, necohua
niquicohuajaajanio. Saa
jiya tama nojorijiaarijia
naa cureequiaari pajaajinijitij.





Cunoori
quiquiaari abril
racajinia diecisieste
juucajinia. Noeri
tariucua seisciento marijia
shocotejonu quiriquiaa
jiyacaritij. Cuno juucajiniajani,
shoniniacu jiyaca moo cariquimiaari
pojuarequetacoquiaari. Jiya cajiniocua
Pueyaso paatuuri pojuaretaquiaarijuhuaj
maru niniuria jiyanoehua.





Naacuatej, maruuri jiyano
hwa queraatia niquiaari
mijiria, cuarenta juuca,
cuarenta niucuanio.



Pajaari socua jiyacatequiaari
socua pajaashiniuria. Bote
saniniuujia saaja juhuajaniya
cuatariquiaa pajaajiniaari.



Naa jiyano hua pajaa nenuucuatej, puetunu socua
jiyano hua jiyaconaja tuhuananuhuari mishiquiiquiaari.
Naa cusonuuquiaariiri puetunu nio jiyajinia saminio
quijia casaajanaa. Naatej, puetunu na paratu rijiojua
casaajanaa cusonuuquiaari.



Jiyacaritij, Pueyasoori Noee niishiquii,
puetunu botejinia nata quiniaajaajanio.
Pueyasoori jiyacari pajaa caco
piyarojoteree paratu. Pajaari
suraatiaja juhuacatecara
moneyarohua.





Tamonu juuca na
nuhuaji, Noeri noseja
saniquiaari cartenu na
niishiniuria jiyatee
tari joojeeca.




Naacuatej, veintisiete juucajinia abril
racajiniani, jiyari tari jiyanojua joojeeca
quiriquiaa. Pueyasoori jiyacari naa

Noee sequereequij:

—Noeenaa,
tariucuaja.



Botejiniji quia rosetare quia
niquiocua, quia niquiohua, quia
niquiohua niquiocohuaajaajanio.



Noeri jiyacari
juhuacuree
saitia tii na
catijiajara
Pueyasora puetunu
niquiriyatu nata cureeno
siete miaquesano
casaajinijiniojuanaa.

Cuno Pueyasorano
puecoosocoriquiano
casaari quiquiaari
canujuucuatujuaca,
jaacuatujuaca
casaanio.





Niocuajaari nia
niishiniuria cua
sequesano
seetanujuanaa
pueyaracaanu niaarano,
puetunu nio jiyajinia
quijiaca casamiriajanaanio.

Naa niaa
niishiniutianiyani:
Janiyacujaari cua
naashi nujuateree
jiya cajiniocuani.



Niaa jaara na
niquiriquianoj
niocua
seetanujuanaa cua
sequesano niajaniya
niishiriquia. Naacuatej
pueyanaa,

janiya jaara maru
niquitioojoteriquiani,
cua naashiiri
niquishaariquiano
jiya cajiniocua
nujuaano.





Naacuatej,
janiyajanaa
jaara cua naashi
niquiriquiani,
janiyari jiyacari
niishiniutianiyani cuno
naashiiri niaara cua

nujuatesano, puetunu
mijiria quijiaca
casamirianojuanaanio; ...



...cunoori
maja nia
cuaracashitiniuria
seetanujuanaa cua
sequesano niaarano.
Cunoori seetanujuanaa,
majaari socua jiya

pajaashitianu
quiniutianihua na
cusojuanura
puetunu
niajaniyajanaa.



Pueyasoori maninia
rupaajinia naa sequeno Noee,
necohuaajaajanio: —Pueyanaa,
jiyanohua queraatia nia mueture.
Nia niquiohuacuajinio caneno
pueya cuaara caneera
tiquiyocua puetunu

nio jiyajiniajanaa.



Nioori Noee niquiohua
sesaca: Sem, Cam, Jafet.
Nojoricuajaari botejinia
cureequiaari. Cam jiyanihanoni,
nojuajaari Canaan que. Nio
jiuujianaraca pueyajinihinoni,
nojorijinihinio
canequiaariuhuari

puetunu nio jiyajinia
quijiaca pueyajanaa.



'Jiyanohua cua Que Pueyaso
paniniuucua puetunu mijiria quiniaa
pueyajanaa, nojuajaari
Neyanujuanaa jiyaroquiaari
puetunu pueyapueecuarajanaa
mosocoriquiano.



Puetunu cucua tiuunias pueyajanaari
saniitioyaquishaanutaniya cutara.
Nojori cutaraari pueyaracaanu
rishijiaca quiniutianiya
Pueyaso shuriucua.



Romanos 3:23 Puetunu pueyajanaari sesa
miijiaca; Judiocuaca, taucuacanio. Naacuajitij,
nojoriiri juhua tucuacaanu quiya Pueyasojiniji.
Sesa miijiaca pueya quiniuucua, nojoriiri soosano
pueyara jataquiaari. Naacuajitij, pueyari
Pueyaso timitiasoo quiquiaari.

Romanos 6:23 Saniniuujia, sesoriquia pueya
miiniuucua sesa saaja, nojoriiri naa na miiniuucua
shaajasaanutaniya. Saniniuujia, saaja
Jesucristoocua tiuujia pa quishacari,
Pueyasoori saa cunoraja pa jiyatequiaa
pueyaracaanu rishijiaca pa quiniuria, pa
Jiyaniiija Jesucristo rupuejaca pa quishacari.



Hebreos 9:27 Naatej, taatucuaa pueyani,
nojoriiri shaajecoriquiano. Majaari nojori
samiitiaconuhua mijiria nojori quiniuhuara, socua
na cusonuhuara juhua coteenu na cusonu. Nojori
shaajenu nuhuaji, nojoriiri saaja sashiya Pueyaso
nequesoreenura nojori.

Efesios 2:8,9 Naa Pueyaso quiniuucua
jiyanootiotej, nojuajaari nia jiyanooquiaari saaja
Jesuucua nia tiushacari. Majaari tama nia
miishanotajaaja Pueyaso nia jiyanootiniu
quiquiaari tama niajanijajaaja.
Pueyasojuanaacuajaari nia jiyanooquiaari niaacua
na taraajenuucua. Naajuhuaaj, nojuacuajaari
nia tiutiquiaari Neyanuucua.



Majaari Pueyaso jiyanooniu quiquiaari pajaniya,
maninia miijiaca pa quiniuucua. Paa jaara maninia
pa miiniuucua Pueyaso jiyanootiquiaari tama pa
cuaqueyajaajani, paa maara tama pa
cuaqueyajaaja timitiarenini juhua
najuhuana pocuaja.

Romanos 10:9,10 Naacuajitij, Pueyasoori pueya
jiyatequiaa na pueya nojori quiniuria,
Jesucristoocua tiuujia jaara pueya niquiara
pohuatate: "Jesucristoori seetanujuanaa
Jiyaniiiajanaa cutara", noojiajinia na
niishishacarijiuhuaaj Pueyasoori Jesu
samiitianiquiaariuhua macujiniji.



Seetanujuanaa naari: poojiata pa tiuushacari
Neyanuucua, Pueyasoori pa jiyateya juhua sesa
miyashijia pa quiniuria. Naajuhuaaj, pa rupaata pa
pohuatasacari: "Janiya Jesucristoocua tiuujiani",
jiyacaritij, Pueyasoori pa jataniquiaa na
pueya pa quiniuria cutara.

Juan 3:16,17 'Jiyanohua cua Que Pueyaso
paniniuucua puetunu mijiria quiniaa pueyajanaa,
nojuajaari Neyanujuanaa jiyaroquiaari puetunu
pueyapueecuarajanaa mosocoriquiano. Puetunu
cucua tiuuniaa pueyajanaari
saniitioyaquishaanutaniya cutara. Nojori
cutaraari pueyaracaanu rishijiaca quiniutianiya
Pueyaso shuriucua.



Pueyasoori maja na jiyaronu quiquiaari janiya
pueya cua saniitionura. Seetanujuanaa cua
jiyaroquiaari cutaraari pueyacuaaji
Tacuna cua quiniuria.

1 Juan 5:11-13 Pueyasocuaajaari sequequiaari,
Neyanuucua tiuujiaacaari pueyaracaanu rishijiaca
quiniutianiya. Cante Pueyaso Niyanu jiitiaa
noojiajiniani, nojuajaari tari samiitianishaarohua
pueyaracaanu rishijia na quiniuria. Pueyaso
Niyanu jiitiaashijiaari saniniuujia maja na
rishiniu quiniutianiya. Nio naajiya niaaranijia nia
niishiniuria, Pueyaso Niyanuucua nia tiuushacari
niaari tari samiitianijiosaarohua pueyaracaanu
nia rishiniuria.



Geenesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Arabela Bible (arl) © 1986, 2008, Wycliffe Bible
Translators, Inc. All rights reserved.

<https://www.bible.com/bible/519/MAT.1>

©2024 Bible for Children, Inc.

www.M1914.org

www.bibleforchildren.org

